



Termtat e Referencës

Ekspert lokal për të ofruar sesione trajnimi me prinderit e femijeve me veshtiresi ne zhvillim dhe aftesi te kufizuar

Organizata:	Shoqata Ndhmoni Jetën Fshati Prush, Njesia Administrative Vaqarr, Tirane Tel: +355(044)803370 <i>Web site: www.helphelife.org; E-mail: info@helphelife.org.al</i>
Projekti:	“Mbështetja në moshë të hershme, një mundësi për zhvillimin e fëmijës”
Koha e angazhimit	10/12/2021 – 11/05/2022
Donator	Bashkia Lezhë në kuadër të Programit Rajonal për Demokracinë vendore në Ballkanin Perëndimor (ReLOaD)

Prezantimi

Shoqata “Ndhmoni Jetën” është organizatë Kombëtare jo-fitimprurëse, e ngritur në Tiranë në Shtator 1998, si një iniciativë e një grupi prindërisht të fëmijëve me aftësi të kufizuara me qëllim mbrojtjen e të drejtave dhe gjithëpërfshirjen e personave me AK në shoqëri.

Shoqata ka një eksperiencë dhe ekspertizë të ngritur që prej operimit të saj në fushën e trajtimit psiko-socio-educativ të fëmijëve dhe të rinjve me aftësi të kufizuar, duke ofruar Modele të trajnimit të fëmijëve me aftësi të kufizuar me një ekip multidisiplinar. Referuar kësaj ekspertize, Shoqata ka fokusuar punën e saj në rritjen e kapaciteteve të specialistëve që punojnë me fëmijët me aftësi të kufizuar në institucionet e edukimit parashkollor (çerdhe/kopështe), shkollë, shërbime rehabilituese në qendër komunitare/qendra ditore, mbështetje në familje, ngritjen e vetdijes dhe informacionit të prindërve të fëmijëve me aftësi të kufizuar dhe anëtarëve të tjerë të familjes dhe komunitetit, si dhe advokaci dhe lobimin për respektimin e të drejtave të këtij target grupi në zbatim të Konventës për të Drejtat e Personave me AK.

Shoqata, me mbështetjen e ‘Bashkia Lezhë në kuadër të Programit Rajonal për Demokracinë vendore në Ballkanin Perëndimor (ReLOaD), ka filluar implementimin e Projektit “*Mbështetja në moshe të hershme, një mundësi për zhvillimin e fëmijës*”, i cili implementohet në qytetin e Lezhës.

Projekti është dizenuar tju vij në ndihmë fëmijëve me aftësi të kufizuar dhe ata me vështirësi në zhvillim që ndjekin Institucionet e edukimit të hershëm në qytetin e Lezhës. Kjo gjë do të arrihet duke trajnuar edukatorët e institucioneve të edukimit të hershëm, si dhe stafit mbështetës që punon për zhvillimin e fëmijëve me vështirësi në zhvillim në këto institucione dhe prindërit e tyre. Gjithashtu, projekti do të ngrej Rrjetin lokal të Institucioneve publike dhe private që punojnë me/për fëmijët me aftësi të kufizuar, në bashkëpunim të ngushtë me Bashkinë Lezhë duke u fokusuar në ngritjen e kapaciteteve të tyre në drejtim të fëmijëve me AK.

Objektivat kryesore dhe rezultatet e projektit janë:

Objektivi i Përgjithshëm:

Të permiresojme kapacitetet e femijeve me veshitësi në zhvillim në drejtim të zhvillimit mendor, social dhe edukative, dhe ti ndihmojnë ata të kenë një jetë të pavarur dhe gjithëpërfshirëse në komunitet.

Objektivat Specifikë:

OS.1. Të rris kapacitetet e prindërve të fëmijëve me vështirësi në zhvillim dhe punonjësve të edukimit të hershem të identifikojnë dhe mbështesin zhvillimin e fëmijëve me veshitësi në zhvillim, dhe rrisin aksesin në shërbime cilësore.

OS.2 Të rritet niveli i ndërgjegjësimit të institucioneve (shëndetësore, arsimore, punësimit, ofrues shërbimi, etj) në nivel lokal dhe anetare të tjere të komunitetit në bashkinë Lezhë për të adresuar më mirë nevojat e PAK.

Në kuadër të implementimit të këtij projekti, Shoqata Ndihamoni Jetën kërkon të kontraktoj një ekspert, të aftë për të demonstruar aftësi teknike dhe humane për të ofruar trajnime me prinderit e femijeve me AK të qarkut Lezhë.

Qëllimi i shërbimit:

Eksperti lokal do të angazhohet në ofrimin e sesioneve të trajnimit për prinderit e femijeve që janë në cerdhet dhe kopeshtet të qarkut Lezhë sipas moduleve të përgatitura nga Shoqata Ndihamoni Jetën për të rritur kapacitetet e tyre në drejtim të trajnimit të femijeve të tyre dhe identifikimit të tyre të hershem, manaxhimin e sjelljeve të përshtatshme në kushtet e shtëpisë, etj.

Metodologjia

Sesionet e trajnimit do të ofrohen bazuar në metodën me pjesëmarrje duke ju dhënë pjesëmarrësve mundësinë të ndajnë eksperiencat e tyre, pritshmëritë dhe duke i përfshirë ata në ushtrime për të përforcuar elementët që do tju prezantohen gjatë sesioneve dhe se si ato do të influencojnë në zhvillimin e fëmijëve. Trajnimi do të organizohet duke u bazuar në 2 Manualët e përgatitur nga Shoqata Ndihamoni Jetën të cilët sesione trajnimit do të ofrohen për prinderit të cilat do të organizohen online dhe në presence, kjo në varesi të situatës që do të jete present si rezultat i Covid-19.

Përgjegjësitë e ekspertit

Nën supervizionin direkt të Koordinatorit të Projektit, Eksperti pritet të:

- Ofroj sesionet informimi/edukimi të prindërve, sipas një kalendari mbi të cilën do të bihet dakort midis dy palëve;
- Të përgatis të gjitha materialet që do tju shpërndahen pjesëmarrësve gjatë trajnimit;
- Të përgatis axhendën e trajnimit duke u kujdesur që të jetë sa më gjithëpërfshirëse;
- Të përgatis vlerësimet e para/pas trajnimit për pjesëmarrësit e përfshirë në trajnim sipas formatit të mundësuar nga Ndihamoni Jetën;
- Të këshillohet me Ndihamoni Jetën në avancë për çdo ndryshim në kalendarin e sesioneve të trajnimit;
- Të përgatis një raport final në fund të sesionit të trajnimit ku të përfshihen feedback i pjesëmarrësve.

Përgjegjësitë e Ndihamoni Jetën

- Të siguroj pjesëmarrjen e prindërve në çdo session trajnimit, kjo në bashkëpunim me institucionet përgjegjëse të Bashkisë Lezhë.

- Te siguroj transportin e ekspertit ne trajnim.

Vendi i konsulencës: Lezhë

Kohëzgjatja e konsulencës: 10 Dhjetor 2021 – 15 Prill 2022

Politikat e mbrojtjes së fëmijëve të Ndishmoni Jetën:

Personat që do të punojnë me Kontrata Shërbimi për Ndishmoni Jetën duhet të pranojnë me shkrim se ata kanë kuptuar “Politikën e Ndishmoni Jetën për Mbrojtjen e Fëmijëve” dhe standartet që përcakton kjo politike.

Kualifikimi ose eksperiencia që kërkohet

Eksperti duhet të përmbushi kërkesat si më poshtë:

- Të zotëroj një diplomë universiteti në fushën e zhvillimit të fëmijës (Psikiater zhvillimi, Psikologji apo Pune Sociale);
- Të ketë minimum 5 vite eksperiencë profesionale në fushën e zhvillimit të fëmijëve;
- Eksperiencia të mëparshme në ofrimin e trajnimeve me fokus fëmijët me AK;
- Njohuri mbi situatën e të drejtave të fëmijëve me AK në Shqipëri si dhe legjislacionin shqiptar;
- Aftësi shumë të mira në komunikim dhe shkrim raporti;
- Aftësi për të punuar me pak supervizim dhe nën presion.

Kandidatët e interesuar të cilët i plotësojnë kriteret e parashkruara në këto Terma Reference, mund të dorëzojnë dokumentat e mëposhtëm brenda dt.6 Dhjetor 2021:

- Letër motivimi që spjegon motivimin tuaj për të aplikuar për këtë pozicion dhe se si ju i plotësoni kriteret.
- CV e detajuar
- Diploma

Vetëm kandidatët e përzgjedhur për fazën e intervistës do të njoftohen.

Aplikimet tuaja mund ti dërgoni në këtë adresë e-maili: info@helphelife.org.al ose në adresën postare: Shoqata Ndishmoni Jetën, Fshati Prush, Njësia Administrative Vaqarr, Tiranë.

Përzgjedhja e ekspertit do të bëhet bazuar në atë:

- Se sa mirë do të plotësoj kërkesat e parashtruar në Termat e referencës.
- Eksperienat e ngjashme.

Gjatë procesit të vlerësimit do të kenë prioritet aplikuesit nga Bashkia Lezhë